

陸


| | | | |
|------|-----|---|---|
| 庫文閣内 | | | |
| 番 | 三二四 | 特 | 和 |
| 函 | 二 | 別 | 書 |
| 架 | 冊 | 號 | 類 |


聖德太子傳曆

下

| | | |
|------|---|-------|
| 内閣文庫 | | |
| 番號 | 和 | 32410 |
| 冊數 | 2 | (2) |
| 函號 | 特 | 7 7 |

共二







聖德太子傳曆一卷

分成上下

平氏撰

十六年

戊辰

夏四月小野

臣妹子

到自

大隋隋

朝使

裴世清

等十二人

從妹子

來到于

筑紫

六月到難波館妹子奏曰臣經百濟之日百

濟人採掠大隋表仍不得上與羣臣議曰妹

子懈怠失蕃國表罪合流刑具狀奏聞天皇

問太子太子奏曰妹子之罪寔不可寬然修

好善鄰妹子之功也於臣復有得先身所持

之經而來加之隋使共來有流妹子彼使乍
聞思復如何天皇大悅教妹子深秋八月大
隋使入京詔遣飭騎七十五疋迎捧帝之街
太子微服而看世清遙見太子所居林上語
左右曰彼有真人之氣經其林下下馬揖去
觀者異之隋帝書曰皇帝問倭皇使人長吏
大禮藕因高等到具懷云云天皇問太子曰
此書如何太子奏曰天子賜諸侯王書式也

然皇帝之字天下一耳而用倭皇字彼有其
禮應恭而後天皇喜之九月隋使還國復以
妹子為大使吉志雄成為小使天皇召太子
已下議答書之辭太子執筆書之曰東皇敬
問西皇帝云云謹白不具太子奏以高向漢
人去理等八人為學生而遣此月望日太子
在斑鳩宮入夢殿內此殿在寢殿之側設御床褥一
月三度沐浴而入明且談海表雜事及製諸

經疏也。若有滯義，即入夢殿，常自東方金人
到告以妙義也。閉戶不聞七日七夜，不進御
膳，不召侍從。妃已下，不得近之。時人大異之。
慧慈法師曰：殿下入三昧定，敢莫驚。八箇日
之晨，玉札之上有一卷經，設筵引慧慈法師
告曰：是吾先身修行衡山所持之經也。去年
妹子將來者，吾弟子經也。三老比丘不識吾
所藏之處，取佗經送。故吾頃遣魂取來，指所

落字而示法師，師大驚奇之。妹子將來者，
無有此字。太子出定後，常有口遊，曰：可憐大
隋國僧，我善知識，好讀書。若不讀書，非為弟
子。是勸戒之訓也。
夢取來之經，複為一卷，黃
紙，黃標，五軸，綺帶，漆題，一
行三十四字，字太微細也。太子薨後，山背大
兄王子六時禮拜。丁亥年十月廿三日，夜半
忽失此經，不知所去。求之無由。王子大恠之，
復以為憂。其在院，妹子將來經。

十七年己巳夏四月八日，太子始製勝鬘經疏。
此月百濟僧道欣等十人，流着肥後國，聞太

子風情願留任仍安置元興寺太子召入於
斑鳩宮問之以過去宿身之事十僧辭謝垂
淚密語等儕曰上人等何無天眼乎此太子
是衡山般若臺東房第一念禪比丘也吾等
與廬嶽道人時時拜謁聞其說法華一乘妙
義者也太子聞之謂左右曰是實也秋九月
小野臣妹子到大隋啓太子曰臣屈于衡山
般若臺先逢三僧二口遷化一口猶存謂臣

曰初年沙彌誤取他僧所持之經授子竟而
去年秋子國太子元是念禪法師駕青龍車
從五百人到東方履空而來探舊房裏一卷
經凌虛而去仍留此法華五卷義疏名上宮
疏是則殿下入定之時也太子微笑而默

元

十八年庚春三月高麗僧曇徽法定二口來
太子引入斑鳩宮問之以昔身微言二僧百
拜啓太子曰我等學道年久未知天眼今想

殿下之言。昔為殿下弟子。而遊衡山者。也太
子命曰。法師等。遲來。宜住吾寺。即置法隆寺。
秋九月。太子駕驪駒。參小墾田宮。錯而躋之。
太子。眇驚還。斑鳩宮。驪駒不能喫草。亦不飲
水。兩耳掩低。合兩目。似有悔過。太子聞之。遣
使宣喫草飲水。乃開目。含水草。以此為常。冬
十月。膳氏妃侍坐。太子語妃曰。汝知我意。觸
事不違。吾得汝者。我之幸也。吾死之日。同穴。

五
共理。妃啓曰。殿下恩深。庸妾侍寢。常思千秋
萬歲。如盤石。如大嶽。朝夕供奉。妾幸足矣。何
以有終乎。太子命曰。不然矣。有始有終。理之
自然。惟生惟死。人之常道。吾昔經數十身。終
行崇道。僅為小國儲君之身。流通妙義。未足
萬之一。而今釋典漸傳。正燈頗照。九夷之中。
畧演一乘。故吾不欲久遊五濁。妃垂淚。答曰。
妾將何仰。太子命曰。汝莫留意矣。妃之為性。

聰敏睿悟御體有瘡雖不命處能識搔之示
 思曰羣臣妃知令為太子所念預先知之寒
 者令溫溫者令寒思往者令往思來者令來
 欲起者令起欲坐者令坐舉動周旋如殿下
 意故加寵愛有同穴令
 十九年辛未春正月二十五日太子製勝鬘經
 疏竟簡於慧慈法師等大德讚歎誦習不加
 一字不減一文頂戴崇奉更無餘言夏五月

五日天皇幸于兔田野自觀虞人逐獸太子
 諫曰殺生之罪佛教尤重儒童菩薩漸降其
 禮故鈎而不網弋不射宿釋氏五戒一不殺
 生外典之仁也彼此相合伏願陛下永斷此
 事天皇勅曰朕為女至好此殺生是朕之過
 也深以慚愧自今已後為太子斷之
 二十年壬申春正月十五日太子始製維摩經
 疏夏五月百濟化來人有白癩病能搆山嶽

之形羣臣惡之將棄彼亦有辭太子奏令留
壯又百濟味摩之化來自曰學于吳國得妓
樂舞則置之櫻井村而集少年令習傳今諸
樂舞是也太子奏勅諸氏貢子弟壯士令習吳鼓
又下令天下擊鼓習舞是今財之太子從容謂
左右曰供養三寶用諸蕃樂或不肯學習或
習而不佳而今承業習傳宜免課役即令大
臣奏免之

二十一年酉癸冬十一月太子奏作掖上池畝
火池和珥池又自難波至京始治大道同月
日曆錄曰太子命駕巡看山西科長山本墓
處還向之時即日申時枉道入於片岡山邊
道家即有飢人卧道頭去三丈許驪駒屈
此不進太子加鞭送巡駐太子自言哀哀即
下馬舍人調使磨走進獻杖太子步近飢人
之上臨而語之可伶可伶何為人耶於此而

卧即脱紫御袍覆飢人身賜歌曰支那照耶
片岡山迤餒飢而卧其旅人可怜祖無迤汝
成介米耶刺竹之君速無母餒飢而卧其旅
人可怜是是振飢人起首進答歌曰
斑鳩之富小川之絶者社我王之御名者忘
目
飢人之秋面長頭大兩耳長目細長開目内
有金色光異於時人復身體太香非人之所

八
喚太子問磨彼人香否磨對曰太香太子曰
汝磨者命可延長飢人與太子相語數十言
舍人左右不識其意還宮後遣使視之使復
啓曰飢人既死去太子大悲使厚葬埋造墓
高大于時大臣馬子宿祢七大夫等皆譏曰
殿下聖德難測妙跡易迷而道頭飢人是卑
賤者何以下馬與彼相語復賜詠歌及其死
也無狀厚葬何以能治天下大夫已下之臣

太子聞之即召七大夫譏者命曰卿等迴往
片園發墓看之七大夫等受命開棺無有其
屍棺內太香所賜斂物秋帛等帖在棺上唯
太子所賜紫袍者無曆錄曰衣裳恒置棺上
詔取其衣自服如常時
人異者七大夫等看而大奇深歎聖德不可思
議還向報命太子日夕慈慕常誦其歌即遣
舍人取所斂衣服而御之如故此年九月十
五日製維摩經疏竟

二十二年甲戌春正月八日始製法華經疏三
月太子舍人有宮池鍛師之牡犬斫鹿之
脰太子視而痛之令人放之復同犬斫
同鹿之四脰為三段太子恠之誓夢見之欲
識其緣入於夢殿見艷僧到東方謂太子曰
此鹿與犬過去宿業也鹿為嫡犬為妾時嫡
斫妾子之脰因之九百九十九世結怨而來
于今千世正滿足耳古人云聖人不夢而儲

君聖性通物無知不達如來妙義何義不徹
而託辭夢見令信鄙俗獨恣之說邪枉致疑
故有此言文句云夢者從須陀洹至支佛悉
有夢唯佛不夢無疑無習氣故不
夢從五事故有夢以疑心分別覺習因現事
非人來相語因此五事夢云云
秋八月蘓我大臣卧病太子奏為大臣出家
僧尼一千人太子自授五戒

四十四

二十三年亥夏四月十五日製法華經疏竟
此經疏者白前製了傳於漢土而今復為製

十

釋諸蕃法師等義理妙說并夢金人所授不
可思議之義以問慧慈法師法師亦領悟發
不思議歎未曾有故稱上宮後疏謂弟子曰
是義非凡將還本國欲傳聖趣冬十一月高
麗慧慈法師歸本國太子修師資之禮厚賜
祿物法師不受曰愚僧為殿下之弟子何反
以殿下為弟子耶臨別流淚啓難會易別人
道之常一天同覆住魂於殿下之前僧望必

會淨土。珍重。珍重。太子。酸鼻。言別矣。

二十四年丙子夏五月三日。天皇不豫。太子大

憇。誓願。延天皇。命建諸伽藍。即以平復。諸國

國造。伴造。臣連。并大夫。已下百官。人等。各隨

其勢。誓建寺塔。太子大悅。下令天下。曰。奉為

天皇。誓願。建寺塔。宜檀越。輸物。充其燈分。官

知。出舉。取利。永用萬世。莫絕。所造寺資。國官

具知。每年造帳。所占田墾。山野之類。莫拘其

限。唯百姓。先占於寺。有便檀越。買納名流。託

寺。秋七月。新羅國王。遣使獻金佛像。高二尺

置蜂園寺。此像放光時。時有恠。太子命秦川

勝造。曰。佛像有靈。輒不可垢。宜安清淨堂。不

得恣拜。俗之癡人。若有觸犯。彼必被禍。護法

之神。昆沙門王。不應為善。川勝謹奉記。傳後

世。

二十五年丁丑夏四月八日。天皇勅太子。曰。太

子先年初講勝鬘經自尔已來天下隆安朕
身平穩國無災害朕今遙思其經義理再三
遺忘雖對其文猶迷其義望於朕之前復講
疏文太子不辭燒香御前張經講讀諸蕃法
師侍座而聞三日而竟天皇大悅莫不信受
大臣奏曰儲君之所講妙經義理莫不入微
出機通內該外漢后夢見像飛東去其道因
入知之在今伏惟陛下聖無不通情無不兼

十二
西方大聖妙義甚深殿下開口吐舌金聲玉
振未劫衆生化登淨土五濁惡世還為儒佞
不可思議之功不可思量之勞不可不酬無
德不答謹敢申聞天皇大悅勅大臣加儲君
湯沐之戶年中雜用二倍常式太子固辭天
皇許太子仍班施所造諸寺秋九月太子命
駕出遊諾良之邑指東山下謂左右侍從曰
吾死二百五十年後有一帝皇崇貴佛法於

彼谷前於此岡上並建伽藍興隆如典又指
西原下曰於彼平原亦興塔廟遍望四方曰
此地帝都近氣於今在一百餘歲一百年竟
遷京北方在三百年之後

二十六年寅春二月太子謂大臣已下曰海
表之國興軍大戰西方大國將滅東方小國
小國待距大國雅王各將滅國有一李姓將
奪神器大隋之運今年可盡我國無事唯聞

舉動大臣已下未識祈命太子命曰秋中可
聞北方國事夏五月太子出夢殿且召羣臣
命曰悲哉可痛大隋之帝運祚今極木姓將
興我國不輔隋帝悲哉如何大臣啓曰彼漢
之俗帝系非一大古之時聖人揖讓其後于
戈相尋姦猾篡祚彼漢之常也我朝相離遐
居東鄙不聞流血之亂不知投刀之害故孔
子歆居九夷臣等伏願修仁善鄰俟彼後禮

太子垂淚命曰君等所言實合道理吾悲昔
日之交耳秋八月高廉王使貢方物因以言
曰隋煬帝興三十萬衆攻我為我所破故獻
俘虜貞公普通二人及鼓吹弩挽石之類十
物并駱駝一疋曆錄附云隋煬帝大上皇為
帝遜位於唐主唐高祖神堯皇帝受隋禪即
皇帝位改元武德隋滅唐興云云

冬十月太子妃命曰吾昔世為做賤人逢
師說法幸經出家剪髮為沙彌修行三十餘

年捨身衡山之下今憶此時當晉末世宿鬼
韓氏之腹得為人出家入道誓生生世世不
擇中邊傳通佛法即登衡山修行五五十餘
年當宋文帝世復捨身命託生劉氏復得為
男出家行道經三十餘年捨身於彼託生高
氏此時齊王君臨天下又修行衡山六十餘
年捨命於此當于梁世託生梁相之子復出
家入道猶在衡山經七十年歷陳周世誓願

必生東海之國流通佛法七代記云往年西
其名達磨此人應化于魏文帝即位大和八年
歲次丁未十月到來漢地徘徊山吟詠草
堂於此寂處幾年修道之內六時行道思禪師
云汝此寂處幾年修道答云二十餘歲問見
何靈驗被何威力答云不見靈驗不被威力
達磨良父歎息云禪定易廢濁世難離余忽
遇素文永滅塵劫之重罪暫隨清友長殯來
生勝因阿師努力何故偏留此山不化十方
所以因果并亡託生東海彼國無人機情
惡貪欲為行殺害為食且令宣揚正法諫止
殺生禪師問曰達磨誰人答云余者虛空也
相談已訖向東先去聖容不停來儀鬚髯禪
師戀慕日夕啼泣六時行道五年將五十後魏
帝拓拔皇始元年庚申永逝也凡思禪師到

來此山不知所由不聞
留身於第六之生候

機於第七之世生死大空濟凡夫於苦海菩
提純淨運含類於覺路然則應化之語不妄
也。往生之身不謬也。所以生於倭國之王家
哀矜百姓棟梁三寶。大唐傳戒師僧名記傳
日中。有大菩薩來諸人出迎。口云不見菩薩。
今日。有大菩薩來。諸人出迎。口云不見菩薩。
只見一年少沙彌。却還報和上。無有菩薩。但
見一年少沙彌。耳于時禪師告云。此是菩薩。
一。別。迄。至。于。今。經。隔。明。日。即。令。昇。座。講。法。華。

經智顓冥為不知所趣慧思禪師乃云昔佛
在世我與弟子靈山同聽不可憶耶智顓便
朗然大悟當即宣吐辯若懸河渴浪此即頓
悟一乘之妙法也智顓猶被思禪師作其憶
念玄悟一乘故知思禪本來誦持法華味深
禪定悟法華三昧又天台智者大師隋帝和
尚四十年唯著一初度僧萬餘造八十三
所寺書十九藏經護十五遍造諸經論疏合
七百卷法華云文及疏各十卷大止觀十卷
四教義十二卷小止觀一卷禪門十卷故知
二聖顛顛逆相顯發廣興佛事利益四生云云
法華一乘翻傳以降
後行託生歷數十身如今扶桑之國僧尼差
多一乘之道已溢緇徒今於此國妙義未足

位為儲君不得到門戶說今思捨此身命託生
微家出入道救濟衆生是吾發心誓願經五
百身乃到彼岸如何妃垂淚啓曰殿下之談
非妾所識但悲殿下捨妾早以託生太子命
曰吾雖託生子何得留子悲早去故今後兩
歲將化衆生冬十二月太子命駕科長墓處
覽造墓者直入墓內四望謂左右曰此處必
新彼處必切欲令應絕子孫之後墓工隨命

可絕者絕可切者切太子大悅即夕旋駕歎
謂妃曰遙憶過去因果相校吾未賽了禍及
子孫子孫不續豈云大咎孔子遺教無後嗣
者為不孝矣吾為釋迦大聖弟子豈為孔子
小賢弟子乎妃答曰左之右之依殿下命
耳三從之妾更何異望太子喜之

二十七年己卯春正月太子奉勅命駕巡檢畿
內諸國臣連造伴造所建寺地無地者給地

無木者給木無田者給田無墾者給園經二
十箇日終到蜂岡建塔心柱定常住僧一十
口除此之外不存戒者即日擯出命檀越川
勝造曰以此為例貽于後昆川勝造此日致
仕受命而退賜小德位并祿物功田六町傳
子孫侵越近江巡檢志賀栗本等郡諸寺竟
駐駕栗津命左右曰吾死之後五十年後有
一帝王遷都此處治國十年近江國司便啓

曰蒲生河有物其形如人非人如魚非魚太子謂左右曰禍始于此夫人魚者非瑞物也今魚飛菟出人魚者是為國禍汝等識之數日之後更還蜂岡復屆山崎指此岡下謂左右曰此地勿垢應建伽藍即渡大河行經交野自茨田堤直投堀江宿江南原指東原謂左右曰今後一百歲間有一帝王興都此處彼處一十餘年後狐菟成藜即略任寺至于

十八
河內駐茨田寺東側密謂左右曰吾死之後二十年之後有一比丘智行聰悟流通三論救濟衆生為衆被貴是比丘非他是吾後身之一體也北望大縣山西下謂左右曰一百年後有一愚僧於彼立寺造像高大縫一萬袈裟施諸比丘即石科長墓工命曰吾以己年春必到彼處宜汝早造墓工土師連啓曰墓已造畢未開隧道太子命曰勿開隧道但

墓内設二床。其夕時旋斑鳩宮。到于勢益之
原。北顧謂左右曰。可憐此處。有一信女。可建
小寺。在三十年以來。即獨謠曰。
壽耶。全人者。怙席重粟山之熊。樽葉頭。飭丹
刺彼子。

届于推坂東望本宮。獨謠曰。

斑鳩宮之覺丹。炎火之穴。村中丹心者。入沼
夏四月。津國宰獻物。其形如出蒲生河物。太

子惡之。謂侍從曰。此禍之物也。早令捨去。秋
八月。太子晨朝。天皇勅曰。朕夢太子容儀艷
麗。異常。復服錦衣。此何之祥耶。太子流淚奏
曰。是臣離陛下之祥也。天皇復垂淚。冬十月。
太子奏曰。臣觀神恠身。漸沈病。伏願賜貴藥。
治之。天皇賜藥。千餘種。太子合藥而施。諸病
人不服。一丸。
四節文云。

天皇詔問云朕幼弱辱登大業之位幸得太
子良佐而天下和平如聞太子不豫寢膳不
宣日終日憂念夜通夜勞慮將念雷跡於久
年紹隆佛法住化於長齡經理天下而今不
能當如之何太子所懷何事若有所思奏之
朕以遂其懷朕之意知之

上宮返答臣既戶言伏蒙天慰所勞猶痊此
身無常難保此體有漏易滅業之所制有限

命之無緒以延臣荷天慈猥以執列天恩無
頂奉謝之何背因錄十七條憲法并天皇國
記等以先年進臣亦奉為國家建立諸塔寺
但念住持之方便更無餘樂將願興隆三寶
導利蒼生率土安穩庶民快樂因有四節意
願

一云奉為天皇并御世御世天皇營造七箇
寺法隆學問四天王法興法起妙安菩提定

林也。以件伽藍敬累陛下并御世御世治天
下皇邦有神珠者盡魅莫侵之國興三寶亦
有何禍哉。伏願天皇遠以覆護伽藍紹隆三
寶久保國家。

二云。任法隆學問寺僧侶每年九旬令講法
華勝鬘維摩三部經法輪常轉而濟萬民紹
隆三寶以護率土。

三云。慈日佛法以八畜興隆素服受用法則

減是故佛經曰一切俗家不得受用三寶財
物田園不得驅使三寶奴婢牛畜若有受用
驅使者破滅佛法破滅佛法故國家滅亡伏
願臣之所建諸寺陛下并御世天皇厚顧世
世相續堅造房舍弥新臣之子孫曾孫及兄
弟連枝等都不妄預伽藍事恐愚蒙之侶犯
用財物破損伽藍歟縱使雖不犯用而觸事
有失必殖泥梨之因夫流濁無源下失原上

若代代國皇大臣背臣之本願而將臣之子
孫後胤為彼統領令執掌伽藍者得破滅佛
法之咎其王臣等亦令永保官位子子孫孫
致瘠瘞病非時夭死八部神王以為恐敵
四云臣於熊凝村始造道場一區營事未辦
伏願陛下并御世御世天皇相續營造必成
大寺以護邦家臣不敏深揖仰三寶深望此
四節謹錄遺願以寄臣田村以聞臣廐戸言

二十八年庚辰春二月衆花之時大臣已下

百官已上於斑鳩宮以淨菜饌賜宴唯酒任
意經三日三夜令大臣已下荷祿物盡力而
出三月上巳太子奏曰今日漢家天子賜飲
之日也即召大臣已下賜曲水之宴請諸蕃
大德并漢百濟好文士令裁詩奏賜祿有差
秋九月太子之宮復設大宴天皇臨而御之
羣臣各上當土之歌冬十二月天有赤氣長

一丈餘形如雞尾太子大臣共異之百濟法
師奏曰是為蚩尤旗兵之象也恐太子遷化
之後七年有兵滅太子家歟太子頓之即命
大臣令錄國記并氏氏等本記

五十

二十九年辛巳春二月太子在斑鳩宮命妃沐浴
太子亦沐浴服新潔衣袴謂妃曰吾今夕
遷化矣子可共去妃亦服新潔衣裳卧太子
副床明且太子并妃久而不起左右開殿戶

廿三

乃知遷化時年四十九或說是時大臣已下
羣臣百官天下衆生悉如亡父母哭泣之聲
滿行路天皇聞之舉音大哭車駕臨宮失聲
叫躍大臣已下復大擗踊相謂曰日月失耀
天地既没大臣携棺將斂太子并妃其容如
生其身太香舉太子屍輕如衣服妃亦同之
造雙棺置大輿葬科長墓直置墓內閉南塚
門葬送之儀同於乘輿陪從之人各擎雜花

釋衆讚頌。自斑鳩宮到于墓處道之左右。百姓如牆各擎香花。或失聲大哭。或佛歌連韻。不待官告。素服皆著。天皇送墓遠以看之。淚不乾。袂音無餘響。天皇勅大臣置守墓戶十。烟葬送之後。外國百姓遠來。廻墓相聚。叫哭。日夕不絕。五十日後。漸有減耗。有一異鳥。如鵲。其色白。常棲墓上。鳥鵲到即遠。追去時。人名為守墓鳥。三年之後。更不來。于時高麗。

慧慈法師聞太子薨。大悲曰。我雖異國。心在

新金。即待明年太子薨。日即自閉氣死。時人

大異之。說慧慈法師講說之日。我朝使到通

衆僧轉讀大乘經。既而語衆僧云。聖德太子

寔真人也。杖桑之下。流通妙法。日本之例。演

說微言。吾自類悟。唯因太子。山海異境。心如

斷金。吾至今日。存命故者。為聞太子。奉勳也。

而。今聞慧日。藏輝。慈雲。銷潤。吾生無驗。不如

悲鳴不喫水草被太子鞍隨輿到墓閉埏之
後見墓大鳴一躍而斃羣臣大異將還其尸
埋中宮寺南墓一說辛巳年十二月廿二日
斃太子愴之造墓而葬墓今
在中宮寺南長大墓是也蘓我馬子宿祢大臣初興佛法
於我國久輔國柄於朝廷遇儲君太子如魚
水興隆三寶紹發二諦始起四天王寺
法隆寺時人名為元興寺或說中宮寺上云
皇太后
崩後以宮為寺誤也太子為建橘樹寺時人名為蜂岡寺又云
廣隆

寺并宮賜秦造川勝池後寺又名法葛城寺
上云以宮為寺誤也
又名妙安寺賜蘓我葛木臣日向寺或說定林寺世人名
為立部
寺又說以此法興寺又云鶴尾寺已上二寺
雖不入此本搜求記此
寺為太子本九院太子薨後癸未年秋七月
合十一院
新羅任那使等並來朝仍貢佛像金塔舍利
大小幡等物又大唐學問僧慧濟慧光慧日
福因等來二國使并僧等聞太子去年薨於
向墓門舉哀大哭相語曰非王之本意何獻

獻佛像舍利等。領客教諭。令貢朝廷。甲申年。有一僧以斧殺祖父。詔曰。豈有太子存。致此不孝乎。曆錄中云。夏四月。一僧犯重罪。天皇詔曰。夫僧頓歸三寶。何犯惡逆。非獨僧之罪。諸僧亦有罪。爰百濟僧觀勒。上表言。佛法自西域至。漢地經三百歲。乃傳百濟。百年之後。乃至天朝。今此僧未習法律。輒犯惡逆。願除一僧。自外悉赦。天皇聽之。詔曰。道人尚如此。何以誨俗人。仍以觀勒為僧正。以鞍部德積為

僧都。自今以後。宣校檢僧。凡共此時寺四十六。院僧八百。十。六。口。及五。百。六。十九。口。丙戌年。夏五月。大臣馬子宿禰。薨。葬柁原墓。遺言。畫太子像。自跪其前。之繪。張吾墓前。令觀衆人。此歲天下大飢。自三月至七月。霖雨之。老者。啜草根。而死于道。垂幼者。含乳。以以。母子共死。盜賊大起。不可禁止。三十六年。子戊春二月。天皇不念遺詔。曰。田村皇子。宜纂大業。仍詔山背大兄王曰。汝年少

宣從羣臣即崩于大殿葬科長田村陵

舒明天皇

諱舒長 題曰廣額 天皇 高市岡本宮 治十三年

元年己卯春正月即位初小墾田天皇三十六

年三月崩嗣位未定當此時唯有田村皇子

山背大兄王大兄王是上宮聖德之子母蘓

我馬子大臣之女其舅毛人臣見亦為大臣

民望所係唯在此王大兄大臣欲令嗣帝位恐羣

臣不協大會朝臣問曰誰可嗣位羣臣無敢

先答是日太部鯨子連獨進曰試以順遺詔

立田村皇子不可更議依之大臣及羣臣訣

竟定策遂立天皇於是大臣叔父蘓我境部

目埵瀨欲立山背大兄王而不從羣議遂構

相恐兵大臣興兵殺埵瀨臣并二子即獻神

玺天皇天皇固辭不受然不勝羣臣至願乃

即皇位

二年庚寅冬十月天皇遷於明日香岡本宮

三年辛卯百濟王義慈入王子豐璋為質是今
百濟王之祖也

四年壬辰冬十月大唐使高表仁來

六年甲午春正月十五日建豐浦寺塔心柱秋

十月長星見南方

七年乙未春復見東方

八年丙申春正月朔日蝕夏六月災岡本宮

九年丁酉春二月大星從東流西有聲如雷時

僧旻法師曰是謂天狐也是歲蝦夷叛之

十一年己亥春正月無雲雷長星見西北天下

大亂冬十一月於百濟河側大寺建九重塔

十二年庚子春二月星入月中冬十月遷百濟

宮

十三年辛丑冬十月天皇崩葬押坂內山陵

皇極天皇諱天豐財重耳足彥天皇明日香川原極新宮治三年

元年壬寅春正月即位大臣蘇我蝦夷臣如故

于時大臣之子入鹿自執國政威勝於父盜
賊恐怖路不拾遺二月百濟使吊先天皇之
喪使人言國內大亂弟王子兒翹攻及男女
并內佐年高名人等四十餘人為島王所殺
高麗使來朝貢調言曰去年九月大臣入霞
殺大王并伊犁渠世斯等一百八十餘人仍
以弟王子兒為王即以己同姓人為大臣緣
斯國則大亂也三月無雲而雨秋七月客星

入月中大旱或殺牛馬祭諸社或頻移市及
祈河伯等每寺讀經或大臣自執香爐祈誓
尚不能雨八月天皇行幸南淵河上跪拜四
拜仰天而祈即雷大雨連雨五日百穀成熟
九月詔發近江越國丁男起造百濟大寺今
大安寺也冬十二月大臣蘓我蝦夷之已祖
廟於葛城宮而為八佾之舞遂作歌矣又發
拳國人民并一百八十部曲殞造雙墓於今

來野一曰大陵為大臣墓一曰小陵為入鹿墓

二年癸卯春三月五色大雲滿覆於天一色青霧周起於地秋七月河內茨田池水臭其色扣藍汁大小魚皆死爛冬十月大臣蝦夷臣卧病不朝私授紫冠於男入鹿擬大臣位復呼其弟字曰物部大臣祖母物部弓削大連之妹因以為威也十一月入鹿臣獨謀

遣小德巨勢臣德太等欲率兵截山背大兄王等於斑鳩宮於是大兄王奴三成率數十人距戰出於萬死鋒不可當然而大兄王即取獸骨投置內寢率子弟從間道出隱瞻駟山軍衆燒斑鳩宮見骨灰中軍衆皆謂王已死解圍退去大兄王謂左右曰我以一身豈煩萬民乎不欲使言後世之由吾故而喪父子兄弟還斑鳩宮遂與子弟等自絞而死于

時雲色變化為五色幡蓋種種伎樂照灼於

空臨垂於寺有人指示入鹿變為黑雲大臣

聞入鹿殺大兄王等歎曰我亡不久是曆錄一文也

說曰癸卯年十二月十一日酉戌亥時我

大臣兒林臣入鹿致奴王子兒名輕王巨勢

德大古臣大伴馬車連中臣塩屋連板夫等

六人發惡逆計太子子孫男婚二十三一人王

無罪被害

山背大兄王 殖粟王 茨田王 卒末呂

王 菅手女王 春米女王 近代王 采

田女王 磯部女王 三枝王 三枝末呂

古王 馬屋女王 財王 日置王 片岡

女王 白髮部王 手島女王 孫 難波

王 末呂女王 弓削王 佐保女王 佐

佐王 三島女王 甲可王 尾張王

于時王子等皆入山中經六箇日辛卯辰時

弓削王在斑鳩寺大狗法師欲手殺此王山

背大兄王子率諸弟并王子等出山中入斑

鳩寺塔內立大誓願曰吾暗三明之智未識
因果之理然以佛言推之我等宿業于今可
賽吾捨五濁之身施八逆之臣願遊魂蒼昊
之上陰入淨土之蓮馨香爐大誓香氣郁烈
神通烟雲天上三道現種種仙人形種種妓
樂之形種種天女之形種種禽獸之形向西
飛去光明炫耀天花零散音樂妙響時人仰
看遙加敬禮當于此時諸王共絕諸人皆歎

未曾有曰王等靈魂天人迎去而賊臣等目
唯看黑雲耳復聞微雷覆于寺上賊臣滅太
子子孫謂快其意乃告於父大臣大臣大驚
拍手曰聖德太子子孫無罪奴等輒奉除我
族滅門其期非遠者後年合門被誅亦如其
言一何可奇

三年^{甲子}冬十一月大臣并入鹿起二家於其
槽獄上大臣家外作城垣積貯兵食又氏氏

人等入侍其門名為祖子孺者大臣傲奢無
君之意日日弥深時人危之故天皇讓位於
皇太子自為皇祖母尊是復曆錄文也一說甲辰年
三月八日東方種種雲氣飛來覆斑鳩宮上
連其良久而銷又有種種奇鳥自上下自四
方飛來悲鳴或冲天或居地良久即指東方
去又溝瀆池川魚鼈咸死爛天下姓民填道
合門哭愴之聲日夕不輟又諸池水色皆變

為血太臭又六月海鳥飛來居上宮門又十
一月飽波村有虹終日不移時人大異又王
宮有不識草忽開青花須臾而萎又有二蠶
如入立行又有二赤牛如人立行又有無量
蛙匍匐王門有少子造弓射之為樂也又童
子相聚謠曰
盤上丹兒猿米燒米谷裙喫而今核山羊之
伯父

又謠曰

山背之菟手之枝枝水金丹相看杜根菟手
之枝枝

此二謠始起王子孫未滅之前王子孫滅後
猶未之止又說庚午年四月三十日夜半灾
斑鳩寺而曆錄不記此年是堆古天皇十五
年矣又說曰寺被灾之後衆人不得定寺處
故而濟入法師率衆人令造楓野蜂岡寺又

造河内國高井田寺又而濟開法師圓明法
師下水君新物等三人合造三井寺矣又曰
太子平生之日常歎曰吾得合意妻與馬但
馬未得召天下大盜最秀者而驅使然命
駕之日調使磨不離馬後踴雲而行生年八
十四已巳年死其子足人年十四出家任大
安寺巳巳年天智天皇即位八年也一說調
使磨者太子生年十三之甲辰年始為
舍人時年十八癸亥年二月十五日出家為
僧癸亥年天智天皇即位二年也

太子生年十五之時始為舍人依好田獵太子不寵壬申年悔過出家任法隆寺禪行第一太子禮之太子薨後年夏五月發願自絞死舍人近江人膳臣清國能書被寵寫許多賜大仁位舍人物部連兄磨為性有道心常以齋食後為優婆塞常侍左右癸巳年賜武藏國造而退賜小仁位除四人外有氏氏人等皆為不合而罷者數十百人不得其傳家

人馬手革衣香美中見大吉波多犬養弓削許母河見等十人為奴婢首領其胤子今在法隆寺分在四天王寺婢黑女奴連磨等常訴冤枉連磨弟益浦為性堪願寺為法隆寺法頭冤枉奴婢等根本於妙教寺訪定藏置于今未免

可代

孝德天皇

諱天萬豐明天皇難波長柄豐前宮治十年

元年巳即為大化元年濟明天皇四年也初

獲我臣入鹿時人稱太郎是也失君臣之序
關社稷之權于時天皇及中大兄皇子
也患之欲棄恐不能濟也中臣鎌子連
也祖為性忠正有匡濟之心與二皇子相謀令
中大兄皇子權娶蘓我山田石川磨大臣女
而成婚姻之昵相通謀事以為內扶約束已
訖屬三韓進調濟明天皇御大極殿古人
兄皇子侍詔召入鹿入鹿為性多疑晝夜持

天智
天皇

今藤
原氏

劍鎌子連戲而令解入侍于座山田石川磨
讀唱三韓表中大兄皇子自執長鎗隱於殿
側鎌子連等帶弓矢為助衛以佐伯連子磨
葛木雅大養連網田二人充專斬之手子磨
等怖振不進石川磨臣身振聲亂不能讀表
入磨問曰何故振戰答曰恐天皇爰中大兄
皇子見子磨等畏入鹿威而不進曰咄哉即
率子磨等進出以劍擊入鹿害傷其頭肩入

鹿驚起走亦傷其一脚轉就御座叩頭曰臣
不知罪乞垂恩察天皇大驚詔曰何事如此
中大兄皇子伏地奏曰入鹿盡滅天宗將傾
皇位大兄皇子意損弒山背大兄皇子等之事一說中
天皇起入大殿手閉殿門遂命子磨等殺入
鹿以屍賜父蝦夷臣知將誅悉燒天皇記珍
寶大臣蝦夷臣遂自殺合門被誅一旦而滅
聖德太子平生之歎因果禍報於此知矣

聖德太子入胎之始在世之行薨後之事日
本書記在四天王寺壁聖德太子傳并無名
氏撰傳補闕記等其載大槩不盡委曲而今
遇難波百濟寺老僧出古老錄傳太子行事
奇蹤之書三卷與四卷曆錄比較年曆一不
誤余情大悅載此一曆恐以言不經覽者致
晒庶幾不遺小說貽彼聖跡豈以輒潤色妙
德乎

贊曰

微哉佛法

杏矣玄風

過去無始

當來無終

託生鍊骨

現死還躬

歷涉沙界

徹猷巨窮

我伊太子

降跡王宮

垂化後世

知之有通

竒蹤妙轍

遺習緇衆

拾集成卷

廣傳幼童

聖德太子傳曆卷下

